



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK  
OPĆINSKO VIJEĆE**

Broj: 01 \_\_\_\_\_/14  
Datum: \_\_\_\_\_ 2014. godine

**PRIJEDLOG**

Na osnovu člana 2.12 stav (5) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), člana 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na \_\_\_\_ sjednici održanoj \_\_\_\_ donosi

**ODLUKU**

**o objavljivanju Javnog oglasa za imenovanje članova Općinske izborne komisije Tešanj**

**Član 1.**

Ovom odlukom utvrđuje se obavljanje javnog oglasa za imenovanje 4 (četiri) člana Općinske izborne komisije Tešanj.

**Član 2.**

Javni oglas iz člana 1. ove odluke objavit će se najmanje u jednom dnevnom listovu koji izlazi na području Bosne i Hercegovine, web stranici Općine Tešanj i lokalnim medijima sa kojima postoje zaključeni ugovori.

Javni oglas iz člana 1. ove odluke ostaje otvoren 8 (osam) dana od dana objavljivanja.

Javni oglas čini sastavni dio ove odluke.

**Član 3.**

Kandidati za člana Općinske izborne komisije trebaju ispunjavati opće uslove propisane Izbornim zakonom BiH i posebne uslove propisane Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u BiH.

Mandat članova Općinske izborne komisije traje 7 (sedam) godina računajući od dana davanja saglasnosti Centralne izborne komisije BiH na odluku o imenovanju članova Općinske izborne komisije koju donese Općinsko vijeće Tešanj.

**Član 4.**

Postupak po raspisanom javnom oglasu iz člana 1. i 2. ove odluke provest će Konkursna komisija koju Općinsko vijeće formira posebnim rješenjem.

**Član 5.**

Ova odluka stupa na snagu narednog dana od dana objavljivanja u "Službenom glasniku Općine Tešanj".

**PREDSJEDAVAJUĆI OV  
Fuad Šišić, dipl. ing.mašinstva**

## OBRAZLOŽENJE

### PRAVNI OSNOV

- Član 2.12 stav (5) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13);
- Član 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11);
- Član 14. Statuta Općine Tešanj ("Službeni glasnik Općine Tšanj" broj 11/07).

### RAZLOZI ZA DONOŠENJE

U skladu sa Rješenjima o imenovanju općinske izborne komisije (OIK) koje je donijelo Općinsko vijeće Tešanj i Odlukama Centralne izborne komisije, imenovana je OIK u sljedećem sastavu: Smajo Ćeman, Kasim Bekrić, Dijana Brkić, Mejra Hrnjić i Fuad Prnjavorac. Mandat za prva 4 člana ističe 24.04.2014. godine i potrebno je izabrati nova 4 člana, dok članu Fuadu Prnjavorcu mandat traje do 12.07.2014. godine, te će postupak razrješenja i imenovanja novog člana trebati provesti nakon završetka izbora (oktobar 2014), zbog odredbe u Izbornom zakonu gdje se navodi da se ne može vršiti izbor članova kojim amandat ističe u izbornom periodu (izborni period 180 dana prije izbora) a sve u skladu sa članom 2.15. stav (4) Izbornog zakona.

Članove općinske izborne komisije imenuje Općinsko vijeće, uz saglasnost Centralne izborne komisije BiH, na osnovu provdenog javnog oglasa po proceduri koju utvrđuje Centralna izborna komisija BiH posebnim propisom, a sve u skladu sa članom 2.12. stav (5) Izbornog zakona.

Odlukom se određuju osnovni uslovi, a javnim oglasom za imenovanje 4 (četiri) člana Općinske izborne komisije Tešanj detaljno su opisani uslovi za izbor te isti čini sastavni dio ove odluke, a odluka također predviđa i formiranje Konkursne komisije. Navedena Komisija i Javni oglas predviđeni su članom 7. tačka a) Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11) koji navodi: "Nadležni organ donosi odluku o objavljivanju javnog oglasa za imenovanje člana (članova) izborne komisije. Navedenom Odlukom se utvrđuje: mjesto oglašavanja (mediji - TV, radio, dnevne novine), uslovi koje kandidat mora ispunjavati, rok za podnošenje prijave kandidata, trajanje mandata izabranog člana i sl. Nadležni organ imenuje komisiju za provođenje postupka po javnom oglasu (u daljnjem tekstu: konkursna komisija)".

Općinskom vijeću dostavljamo obavještenje CIK-a broj 06-1-07-1-1230-1/13 od 13.11.2013. godine u kojem je dodatno pojašnjena procedura donošenja odluke, objavljivanje javnog oglasa i formiranje konkursne komisije.

Na osnovu svega navedenog predlažemo Općinskom vijeću usvjanje prijedloga Odluke i teksta Javnog oglasa.

### OBRADIVAČ

Sužba za boračko-invalidsku  
zaštitu i opću upravu  
VD pomoćnik općinskog načelnika  
Nerminka Handžić, dipl. pravnik

### PREDLAGAČ

OPĆINSKI NAČELNIK  
Mr.sci. Suad Huskić, profesor

Broj: 02-05-3-289/14

Datum: 07.02.2014. godine